

中西兵略指掌

營制

湘軍制

湘鄉曾國藩撰

沅南陳龍昌成叔甫輯

一營之制

營官親兵六十名親兵什長六名分立前後左右四哨哨官四員哨長四名護勇三十名什長三十二名正勇三百三十六名伙勇四十二名一營共五百人營官一員哨官四員在外

營官親兵之制

親兵六隊一隊劈山礮二隊刀矛三隊劈山礮四隊刀矛五隊小鎗六隊刀矛每隊什長一名親兵十名伙勇一名計六隊共七十二名

一哨之制

前後左右四哨每哨哨官一員哨長一名共護勇五名伙勇一名每哨八隊一隊抬

鎗二隊刀矛三隊小鎗四隊刀矛五隊抬鎗六隊刀矛七隊小鎗八隊刀矛每隊什長一名伙勇一名其抬鎗隊正勇十二名合計長伙勇為十四名其刀矛小鎗隊勇十名合計長伙勇為十二名每哨一百零八人計四哨兵四百三十二人

長夫之制

營官及幫辦人等共用長夫四十八名搬運子藥火繩及一切軍裝等項共用長夫三十名

親兵每劈山礮隊用長夫三名每刀矛小鎗隊用長夫二名計六隊共長夫十四名如拔營遠行營官另撥公夫幫抬劈山礮哨官哨長及護勇五人共夫四名四哨共夫十六名每抬鎗隊用長夫三名每刀矛小鎗隊用長夫二名計四哨抬鎗八隊共長夫二十四名刀矛小鎗二十四隊共長夫四十八名 以上各項共長夫一百八十名五百人一營計每百人用夫三十六名只許減少不許增多

薪水口糧之制

營官月給薪水銀五十兩不扣建又月給辦公費銀五十兩不扣建凡幫辦及管賬
日軍裝書記醫生工匠薪糧並置辦旗幟號補各費在內聽營官酌用 哨官每月
日給銀三錢 哨長每名日給銀二錢 什長每名日給銀一錢六分 親兵每名
日給銀一錢五分 護勇每名日給銀一錢五分 正勇每名日給銀一錢四分
伙勇每名日給銀一錢一分 長夫每名日給銀一錢 以上大建月支銀二千八
百九十二兩二錢小建月支銀二千八百零二兩四錢六分 軍中浪費最忌官員
太多夫價太多今立定限制無論官多官少官大官小凡帶千人者每月支銀不准
過五千八百兩凡統萬人者每月支銀不准過五萬八千兩凡帶百人者用長夫不
准過三十六兩凡帶十人者用長夫不准過三百六十名

小口糧及卹賞之制

凡新立營頭奉札招勇挑定後無論勇夫每名每日給小口糧錢一百文帶至大營上憲派員點名後再行起支大口糧凡陣亡者卹銀三十兩受傷頭等者賞銀十五兩二等者銀十兩三等者銀五兩成廢者另加

帳棚之制

營官幫辦書記軍火等共用夾帳棚八架單帳棚二架 哨官哨長護勇共夾帳棚一架單帳棚二架四哨同親兵每隊夾帳棚一架單帳棚一架六隊同 正勇每隊單帳棚二架三十二隊同 以上共夾帳棚十八架單帳棚八十架

統領之制

凡統領自帶一營本營之薪水公費及夫價已足敷用此外從優酌加凡統至三千人以上者每月加銀百兩加夫十名統至五千人以上者每月加銀二百兩加夫二十名統至萬人以上者每月加銀三百兩加夫三十名

外省招募做照楚軍新糧之制

湖北江西安徽等省招募在本省勦賊者照楚軍章程不減者凡五項 營官薪水

辦公費每月支二百兩 不減 哨官每日支三錢哨長每日支二錢 不減 什長每日支

一錢六分 不減 伙勇每日支一錢一分 不減 長夫每日支一錢 不減 其照楚軍章程

酌減二分者凡兩項 親兵護勇每日支一錢三分 已減二分 出境至 外省勦賊則全不減 正勇每

日支一錢二分 已減二分 出境至 外省勦賊則全不減

附水師營制

按大正公原書不載此條茲謹就東湖王鼎丞觀察定安湘軍記中摘出補錄於此

凡水師快蟹船一營官領之長龍船十三板船十諸哨官領之合二十一為一營快蟹漿工二十八人鰣八人艙長一人頭篙一人舵一人礮手六人都四十五人長龍漿十六人鰣四人頭篙一人舵一人礮手二人都二十四人三板漿十人頭篙一人舵一人礮手二人都十四人此初定營制也咸豐五六年間裁快蟹減長龍為八增

三板為二十二合三十船為一營 凡水師營官月給薪水辦公銀二百兩哨官日給銀四錢船長一錢六分舵工一錢五分頭篙破手俱一錢四分漿工一錢二分 凡船破長龍頭破二洋庄八百斤至千斤邊破四各重七百斤梢破一重七百斤快制同今破不用三板頭破一重七百斤至八百斤梢破一重六百斤至七百斤俱洋庄腰破轉珠二重四五十斤各船仍分配洋鎗為鎗刀矛備短戰 凡旗幟桅上用方長龍桅旗長一丈有二寬七尺三板桅旗長九尺寬六尺上半紅色下半白色畫北斗太極如意從其意梢用尖角長龍梢旗長一丈一尺寬九尺三板梢旗長九尺寬七尺書某標某營某哨其各標營哨或桅上添小旗或船頭設立旗寫姓號為記顏色制度從其意 凡結營小船依洲大舟橫流相距以避暴風撞損風起則三板保於大舟接戰則三板爭先快蟹長龍以備指揮敗則棄之以三板歸百舟雖敗一舟可全全船傷死一人可戰故水師之強一時無敵 凡快蟹長龍中裝窗隔三板露載無

逢版停泊則施夾帳覆船行則去之弁卒終歲舟居不許登岸軍士自造長龍載糧重號公船 凡接戰宜乘逆風逆流勝則易歸敗則易退其次順流逆風往來稍易陳輝龍之敗乘順風順流故一敗不能返 凡長江水師制兵萬二千弁勇銀五萬有奇自荊州岳州至崇明以達於海延袤三千餘里昭以長江提督所部總兵四人駐岳州漢陽湖口瓜州分二十四營每營營官一人以副將參將遊擊充之每船哨官一人以都司守備千總把總外委充之計船七百七十四哨官如其數提督總兵坐船外加督陣大三板二其俸薪口糧及修補船礮經費於長沙酌留釐稅其地連五省故議五省分任餉事湖南留岳州卡湖北留湖口卡安徽留大通卡江蘇留瓜洲卡設船局於漢陽吳城草鞋夾火藥局於安慶武昌子彈局於長沙都守以下坐坐船為衙署遇搶劫案哨官為專汛營官為本轄俱於疏防處分而統轄之提鎮不與焉其水師員弁大街借補小缺者不准借至三級以下已補借缺者仍照本銜升

轉不得照借缺再借他缺者為令 凡長江水師長龍額設兵二十五人舵兵一人日給銀一錢二分艚兵頭兵各一人礮兵四人俱日給銀一錢礮兵十八人日給銀九分三板十四人如舊制督陣大三板二十人舵兵頭兵各一人礮兵二人礮兵十六人口糧如長龍之制稿書視舵兵書識視礮兵俱扣建

龍昌按文正公籌議長江水師章程第十條言各營應輪流更調茲為節錄原奏云水師所重者以船為家不准登岸居住若永遠駐紮一處則經年累月戰船全不移動必至廢弛朽壞相率私造屋宇棄舟楫而居室廬不可不防其漸茲定江楚各營每逢半年更調一次副將與副將之營互調參遊與參遊之營互調居客汛二次駐紮一年又准調回本汛一次駐紮半年其互調之或遠或近聽提督隨時斟酌總不令其廢弛安逸依戀陸居似此法外維持允為久遠至計乃廿餘年來不特制忘其舊即操練常例幾昧其初規復振興是在來者

馬隊營制

一一營十哨每哨官給馬一匹一哨馬勇二十四名每名給馬一匹營官親兵八名每名給馬一匹 一營官月給薪水銀四十兩公費銀四十兩馬四匹馬夫二名火夫一名長夫八名 一幫辦一員月給銀十六兩馬一匹長夫一名 一字誠一名給銀五兩 一哨官十員每員月給銀九兩六錢雜費銀一兩二錢馬夫一名棚夫一名 一先鋒官五員每員給馬一匹月給口糧銀五兩四錢雜費銀六錢五人共為一棚馬夫二名火夫一名棚夫一名 一親兵八名每名給馬一匹日給銀一錢四分雜費銀月給六錢以四名為一棚每棚馬夫二名火夫一名棚夫一名 一步隊親兵什長一名日給銀一錢六分步隊親兵十名日給銀一錢五分共為一棚火夫一名此專備營官差遣及出隊時留守營盤之用毋許再向各哨派人當差 一馬勇日給銀一錢四分雜費銀月給六錢每四名為一棚馬夫二名伙夫一名棚夫

一名一搬運軍械草料公長夫四十名凡長夫每名日給一錢火夫每名日給銀一錢一分一營官領藍夾棚二架白單棚一架幫辦領夾棚一架馬隊親兵領白單棚二架馬圍棚子二個步隊親兵領白單棚二架每哨領藍夾棚一架白單棚六架馬圍棚子七個一每營月給燭五百五十觔油二百觔一每營百馬之內每年准報倒斃三十六匹如數換領以資彌補另以哨弁兵勇雜費銀內每月扣出三錢作為添補馬匹公項名曰棚馬銀營官總領其事月派哨官一員輪流經管遇有馬匹額外倒斃及病瘦不堪馳使者即行抽撥此項隨時採買添補一每馬月給麩料草豆銀二兩每年三四五等月青草正茂可以放食每馬減銀五錢只給一兩五錢一馬醫鐵匠號掛旗幟大小掃把鐵刮竹槽出自營官公項一修補鞍上坐褥布氈後轡轡頭哨官兵勇自辦一馬藥錢營官出自公費哨弁兵勇出自雜費一更換鞍橋油皮馬肚帶及拴肚帶寬皮條拴蹬窄皮條皮扎鐵嚼全副馬鎗

弓箭腰刀扎草刀草料口袋由軍械所辦給 一凡紮營之處先擇平坦曠地二三
以為馬圈可拴四馬兵勇之棚即與馬隊棚子相對哨官之棚亦與哨官馬圈相對
凡支馬圈之時兵勇四名與馬夫二名親自鋤挖如馬圈辦理不妥將該哨官分別
嚴懲

水陸馬步營制本末

軍興調發而將師莫知營制被調者輒令綠營將官營出數十人多者二百人共成
千人三千人之軍將士各不相習依例領軍械鍋帳鐵斧鎗矛皆藏鈍不足用州縣
發夫駄運載軍將拱手乘車馬入於公館其士卒或步擔一和倚民家及旅店門居
人惶怖惟恨其不去及遇寇作也壘壁不及肩負販往來營門隘謀譁累十軍而凡
有能者因宜約束自為風氣諸將雖欲畫一率非所統無所行其禁令雖滿案軍稍
整齊而驕橫貴倨言語不相曉其死亡輒當奏報又各有貴將督撫莫能統尤不輕

調發所發者多綠營額軍其弊如此民間徒知其振旅莫肯憐其送死故征役者益怨恨憚掠於怨所不至之地而愚民避官迎賊之議起矣楚軍起於江忠源其時以三百人從烏蘭泰不能成營制後忠源官尊師衆第從先廓之而法制不改曾國藩既請練軍長沙奮然以召募易行伍盡廢官兵使儒生領農民各自成營搜致規制今古章式無可倣效獨戚繼光書號為切時用多因所言變通行之未幾湘軍大效而王珍羅澤南胡林翼各撰其軍營制為書珍自序甚矜謂不可使賊得然所言世俗之所知也琦善者不能以軍名與雷以誠俱也揚州城下雷營終夜擊柝燎火治守備琦善營寂然聞靜無火光人聲他日以誠過營琦善微諷之曰公營中甚雄誠以誠不悟徐曰夙夜守設火賊得窺我吾擊刁斗則不聞外聲此危道也李元度之戰士呼譟甚勇席寶田誦孟子書識之曰先生之號則不可軍中以呼殺為號子故寶田云云由此觀之良史兵書所書雷李行之而不免苦於琦善席寶田軍

事變化焉可言乎。自湘軍衆盛。人人知兵。新募軍規制一日立就。領軍者不必頒條教。所謂楚鄂湘軍章程。至今將帥皆無其書。而淮軍本倣湘軍以興。未一年盡改舊制。更倣夷軍。後之湘軍又更效之。水軍之立。又困於思慮。船一槳一板。位置失宜。輒絀礙不可行。及後成功。率取本輕料薄。爲先寇平後。無行陣之事。乃更改大船制。務於闊厚。是故今之湘軍非昔也。況其將帥昔愚而今驕。昔懼而今侈。昔謙拙而今譎。雖復用儒生將農人。則所謂儒者不儒而農者不農。曾國藩之所爲。咨嗟於暮氣者也。軍興名將推搭齊布劉騰鴻李續賓。多隆阿而郭嵩燾服羅澤南。左宗棠推王珍珍澤南弟子也。澤南亡有續賓及珍。珍死則張運蘭元闊沉默卒以敗死。然則澤南殆可謂名帥。非但名將。要其言戰在續賓下遠甚。而續賓諸人存則勅焉死則忽焉。舊部各將無毫髮之效。又况讀其書觀其迹者乎。本湘軍所以起爲救額兵之弊也。曾國藩言建我旗終成大功。未嘗自以爲知兵。其所自負獨在教練。至今湘軍專

上而知糧畏法而愛民猶可用也。觀將能否但於列隊時號三吹。軍士肅肅。蟬綴而出。則勝負可見矣。是故兵法不可言而營制不可誣也。

凡立營十人為隊。八隊為哨。隊哨有長。隊有廝養。隊十二人。其正制也。八隊之械一五擡鎗二四六八刀矛三七小鎗擡鎗連重。則增二人。故百六人而成八隊。統以哨長。哨百七人。置哨官領之。四哨為營。親兵八隊。隊長廝養如哨之制。隊十二人。六隊之械一三主礮二四六皆刀矛五為小鎗。凡七十二人。不置哨長。合四哨四百二十八人。皆統於營官。故曰營五百人。而哨營官不數。其書記醫匠或有或無。營官主之。其費於公費取之。營之用器哨隊備之。其軍器立營時給之。壞故營官修之。於公費取之。唯鉛彈藥繩帳棚得以時領。營官十張八夾二單。哨官三張一夾二單。親兵隊二張一夾一單。哨隊二張皆單。凡營帳單者八十夾者十八。輜重軍裝行糧長夫制之。率百人而卅六夫。營官無過百八十。亦無得闕。不足行而索夫軍有司誅之。其

當行令三百五十人。各備戰器。百五十人督長夫。護用器。前有探馬。後有押幫。各從其營。無有或錯。其行率日三四十里。黎明而發。未曉而息。行所至為壘。營官相其地。準之以繩。從而為壕。壕丈五尺。復壕土為牆。厚一丈。其崇八尺。牆壕容二丈。遠其餘土。隊為一棚。棚有寬廁。廁有內外。外廁四之。內廁一之。火藥有窖。以葦塗之。塗皆孔之。其軍士設於繩牆壘外。其壘近市。則嚴其門禁。午夜藉之。出入無驗。譏而誅之。夜號之。字。營官授之。守夜之卒。營五十人。寇近則百人。以更為班。班十人。若二十人。哨長察之。五更咸興。朝暮練操。以聲營之。故行不可速。止不可懈。行速則病。止懈則散。軍雖強久。頓必荒。寧匪市人。勿將營軍。屯兵時戰。是謂自亂。作壕之法。內外重設。外壕廣六尺。深半尺。內壕半之。環而溝之。必有橫涂。相距二丈。壘牆既成。去其外涂。留其內涂。作牆如城。其高七尺。子牆半之。牆厚六尺。左右二門。出入謹之。見敵則併力。無事則長夫之役也。步行率八刻而行十五里。寒日短而行易。暑日長。其行難以晝。

四十六刻率之行至六刻而三十里其十六刻以築營壘餘十二刻而後會其則神暇形壯可以待敵故百里而趣利者識此軍家之大忌也

初欲立水師湘中不知戰船形制依古法作筏載礮將以截流又欲為緣體大艦皆不能旋運曾國藩令倣競渡舟設短橈長槳如蛙之足又得廣東船式作快蟹長龍三般三等船未幾水師總兵自登州至主作杞苦大船一戰而敗語在水軍篇其後水師益利所至克捷雖被礮傷死船餘一二人猶足勝寇然後知水軍萬全過陸軍而用法益得嚴初議避礮依近代兵書法張漁網滿繫牛皮藤牌鉛丸輒洞中之又編竹如細鱗施繁革各法密覆之鉛丸來勢益猛及戰而楊載福彭玉麟等倡勇敢悉屏盾蓋當礮衝而進於是礮失勢而士氣益勇故凡言畏礮者怯將也不待接戰敗軍而廢之矣曾國藩以懼教士以慎行軍用將則勝自將則敗楊岳斌鮑超以無懼為勇以戒懼為怯自將則勝用將則敗論語曰臨事而懼帥之言也記曰我戰則

克將之言也。為將者功名成富貴得則知懼矣。知懼必敗。水師為甚。彼不勝其懼故也。接流爭先。小舟為強。船有三等。無三版不行。船置一哨官制其進退。百船雖退一船可進。其輕重則有公船。暴風掀波三版必摧。則保於大舟。大舟不可戰也。快蟹長龍以備指揮。敗則棄之。而以三版歸。此江湖水師之恒也。戰於海中。島夷之利耳。中國無故而與爭於海。非所聞也。水軍雖亦有刀盾槍矛。無所用。精漿舵礮手。指臂相使。凡三版漿十人。舵一人。頭篙一人。礮手一人。礮置船首尾。旋而發之。礮一發。舟一頓。則進愈疾矣。亦或置腰礮為美觀。臨敵無所用之。長龍漿十六人。榜四人。餘如三版之數。快蟹漿二十八人。榜八人。艙長一人。頭舵各一人。礮手六人。凡快蟹長龍船各一三版船八而為一營。營官領之。蓋三百八十八人而成營。其船人或稍增。要本竝制作營之法。相距欲疏。小船依洲。大舟橫流。要避暴風。無令相撞。軍皆守船。尤禁登岸。其後長江水師章程編於方略。大略準此。其帆桅篙榜漿礮隨時修制。不可一

限三版露載無蓬版各施夾帳覆船軍士又私造長龍編為公船以食以居故軍容唯水師為壯而應對便辟多逸少勞亦始於水師云

湘軍成馬隊至湖北乃有之恒用北將束以湘營制而多隆阿以此顯初以三百七十八人為營四人為棚六棚為哨後討捻冠更改以三百二十二人為營營五哨人各給一馬唯馬夫夾棚夫無之又有步隊十人立什長別為一棚以供雜役營官長夫八公長夫四十營官一員幫辦一員先鋒官五員哨官十員給藍夾帳十四白單帳三每棚白單帳一馬棚帳一凡白單帳六十六藍夾帳十三馬棚七十二長夫八棚白單帳八其馬初從口外買之官價匹銀八兩多病道弊後或隨所至而買補馬歲百馬病弊更易無過卅六餘各令乘者補之又別儲朋馬銀月可百餘兩以備買價其銀出於雜費營官掌之

凡營官一員月給銀二百兩不計官位異軍特起亦不相統或令受他將節制輒不

相能非其所置。莫能屬也。一營則哨官四員。日給銀三錢。月支銀卅六兩。哨長四員。日給銀二錢。月支二十四兩。什長卅二人。日給銀一錢六分。月支百五十二兩六錢。親兵七十二人。護勇二十人。日給銀一錢五分。月支四百十四兩。正勇三百卅六人。日給銀一錢四分。月支千四百十一兩二錢。火勇卅二人。日給銀一錢一分。月支百卅八兩六錢。長夫百八十人。日給銀一錢。月支五百卅兩。凡一營月支口糧公費銀二千九百十七兩四錢。小建之月。日給扣建。月給不扣。水師之制。依此為準。頭黨挖工。依哨長。船長。依什長。唯無長夫。而哨官倍之。故水軍一營。月支千九百十一兩二錢。

馬隊依前制。營官一員。月給銀八十兩。哨官月給銀十兩八錢。先鋒官月給銀六兩。親兵馬兵月給銀四兩八錢。步兵什長如親兵之餉。步兵月給銀四兩五錢。火棚長夫如步軍之制。凡馬月支麩豆銀二兩。每營馬二百六十八匹。凡一營月共支銀二

千三百六十三兩八錢。凡統將得專置營官。營各獻助公費。月或百金。或二百金。至三千人。又公加公費銀百兩。夫價銀卅兩。統五千者倍之。統萬人者三之。萬人則廿營。營助百金。并之則月三千金。此湘軍之廉者也。楚軍之制。於所統營。各置司籍一人。則軍關未補者。或竟闕者。或除名者。餉皆入於其將軍。械修補之費。不與焉。故將五百人。則歲入三千。統萬人。歲入六萬金。猶廉將也。唯多隆阿統萬人。而身無珍裘。廉葛之奉家無屋。子無衣履。其天人乎。勤所事。誠有所不暇也。劉長佑軍士。輒取足額。席寶田爭之。以為徒自弱。必不能戰。所謂廉將者。非較於用之足貴也。然從湘軍之制。則上下相維。將卒親睦。各護其長。其將死。其軍散。其將存。其軍完。豈所謂以利為義者耶。而昧者徒取戰勝。不用文儒。則冒死之將。汨廉捐恥。日趨於亂。

龍昌業三代以還。無歷久不做之兵制。此其故何耶。聞嘗綜而論之。大抵古今兵力盛衰。每根士氣之朝暮為轉移。欲保朝氣。蓋不徒恃夫法之善為節制。而總賴

有人以力為維持。每覽歷朝開國捷伐四張。往往所向無敵者。以其時之軍國上。下固不同心同力也。同心同力。即朝氣也。第心力合而報業自彰。盛軌心力離而守文無伏危機。故唐自天寶而下。顯德之意寢亡。遂立召安史之禍。唐書太宗嘗習射於顯德殿。諭曰。戎狄侵盜自古有之。患在邊境小安。則人主逸。逸則戰今朕不使汝曹習弛。築苑專習弓矢。居閑無事。則為汝師。突厥入寇。則為汝將。庶中國之民可以少安。於是口引數百人。教射於殿庭。上親臨試。中多者賞以弓。四弟其將帥亦加上。考由是人思自勵。數年之間。悉為精銳。貞觀十年。定府兵之制。凡天下十道。置府六百三十四。關內二百六十。有一皆以隸諸衛。高宗武后時。天下久不用兵。府兵之法寢壞。番役更代。多不以時。衛士稍削亡。區元宗朝。益耗散。衛不能給。宰相張說乃請。一切募士宿衛。開元元年。更號曰彍騎。天寶以後。續有法。又稍變廢。士皆失附。徧折衝諸府。至無兵可交。林甫請停上下。魚書其後。徒有兵額。官吏而為器。駭馬驢。木扛鐵之戲。及祿山反。皆不能受甲兵。宋至崇甯之際。劍舞之選不講。宋太祖建隆初。詔諸州長吏。選所部兵。送都下。以補禁旅之闕。散給諸州軍。委長吏。却監等召募。教習。候其精熟。即送闕下。自是禁衛皆精銳。太宗時。又選軍中勇士。教以劍舞。皆能擲劍。凌空繞身。承按妙捷。如神。每契丹使至。賜宴。乃出以示之。凡數百輩。袒跽鼓吹。觀者神悚。其制兵之額。有曰禁兵。廂兵。及親征太原。巡城。糧武必令劍舞。前導。觀者神悚。其制兵之額。有曰禁兵。廂兵。

鄉兵。藩兵。分隸殿前侍衛總管司。凡召募。給訓練。屯戍。揀補之政。皆樞密院掌之。兵無常帥。帥無常師。內外相維。上下相制。等級相親。雖有暴戾。恣睢。無所厝於其間。是以天下晏然。逾百年而無犬吠之警。此制兵得其道也。自元豐以後。募兵日衆。蘇軾上疏。有云。沿邊禁軍。驕惰。既久。筋力耗憊。雖近成。短使。輒與妻妾別。被甲持兵。行數十里。卽便喘汗。緩急終不可用。崇寧大觀。以老病者徒費金穀。少健者又多冗占階級。既壞紀律。遂亡靖康時召募益急。多市即。涉構微欽之危。後井無賴及操數行乞之人。全無門志。於是軍事益不可問矣。即涉構微欽之危。後世論者。或謂府兵不當易為驍騎。禁兵廂兵不當易為保甲。而不知非盡驍騎保甲之罪也。我朝入關定鼎。兵備極厚且詳。在禁城則有護軍神機等隊。不減期門羽林。在直省則有綠營額兵。諸防莫不星羅密布。顧何以庚申蚌聞。犖下竟不克為一日之守。金田變起。沿邊迄不能得一兵之力哉。所以然者。晏安既久。武備悉視等具文。驕惰相承。忠義不識為何物。以至冒籍有兵。操防無兵。廩餉有兵。殺賊無兵。一夫發難。中原瓦解。則暮氣弗懲之遺誤大也。文正公知之。維時膺督師命。首建義旗。奮然以召募易行伍。度規制。簡材勇。實擊常操。卒集大勳。在旁觀者。

幾疑公之遭際殊遇。戰亂顯名。是有天幸。而不知當日底定方略。大端有二。一曰知人善任。一曰苦心教練而已。惟知人善任。故創儒生統兵之局。器使因材。一時無不修之軍政。惟苦心教練。故定農民買伍之條。逐日督習。各營無不整之軍容。本茲兩端。鼓舞策勵。將卒親睦。上下相維。所為守則固。戰則克。半生之成功。以此即湘軍之得力亦以此。然試為追溯釐剔探討之初。蓋不識幾費經營。幾經磨盪。始克有此中興再造之烈也。使後之人率此以往。膺軍寄者。猶是真心實腸。饒場無不奮之將。隸軍籍者。猶是身上畏法。或行無不練之兵。將威稜遠震。即觀覲永消。我國家長此百年無事可也。又何至鯨浪驟來。在處逃潰。竟爾痛心大錯乎。嗟乎。成敗倚伏。天運之常。救弊補偏。人事宜急。縱有良法。非得蘇文忠之居安慮危。必不能以經久。縱有勁旅。非得高崇文之常如寇至。必不能以長馴。此數十年前。我公踴躍遠矚。儒不儒而農不農。早已心焉慮之。故於治軍之餘。又出常常提

其朝氣一語以重為後世勗也。有挽回時局之責者。讀湘軍營制本末。尚其會通當日運籌制勝之原。在此不在彼。而共為之深長玩味也乎。

鄂省護軍制

南皮張之洞撰

龍昌按天下事積久則訖訖即亂由所階亂極斯轉轉非變不為乃中土軍政數十年間闊健康易始則以召募補綠營之窮近又以洋操維召募之故完其中綠營之所以窮與召募之所以故無他皆不練實使之此當事諸君窺厥病源所由不能不設法挽救急籌變通也溯前此自粵捻煽亂一時疆臣相與競創練勇於是湘軍之外廠有淮軍楚軍毅軍廣武軍等名目不一其制大略從同故不贅即以淮軍論其所增者不過長夫四名月餉二百一十八兩二錢及柴草銀一百六十兩數項與湘軍小異然此皆練軍舊制也頃張孝達制府復因時事孔棘極力整刷戎行以為非改換面目結實操練不足以開風氣而成勁旅故前督兩江岑西林德國軍制既創立洋操自強軍旋移節鄂垣又與譚敬甫中丞晤商做照北洋武毅軍添設護軍洋操兩營

蓋自強軍每人月餉洋八元餉項最優鄂省未易做行故近來武毅軍制參酌用之查武毅軍為直隸新建軍士成新練共三十營每營管哨官五員其勇丁長夫名額并薪餉銀兩悉仍湘軍之舊唯外加車駝運載等項銀一百兩隨軍辦理文件巡查等項銀六十兩以及柴草費每月共支銀三千二百一十二兩二錢護軍制即援此稍為變通將長夫一項權為節省作添設哨官排長鎗匠鼓兒手及官弁兵丁四季衣袴之用兩營統計前營步隊三哨礮隊二哨後營步隊三哨馬隊二哨工程隊一哨合營酌扣每月薪餉與武毅營不相出入按原奏詳稱前營月支銀二千九百四十八兩後營月支銀二千八百九十四兩八錢工程隊月支銀五百八十一兩六錢統計兩營共支銀六千四百二十四兩四錢按之所擬章程內微有不符惟華洋教習新資不在此項餉內亦與武毅軍同凡此又我

朝兵制再變大略也茲故述其緣起并將所有章程備錄於左

前營薪餉制 礮隊二哨步隊三哨

營官一員每月薪水銀五十兩公費銀一百五十兩 副營官一員每月薪水銀三十兩 辦理文件巡查醫官經理軍裝各員弁每月薪費銀六十兩

礮隊兩哨計礮十八尊

正哨官兩員每員每月薪水銀二十四兩 副哨官二員

每員每月薪水銀十二兩 總礮弁一名每月薪水銀二十四兩 礮目三名每名

每月餉銀七兩二錢 礮兵一百六十四名每名每月餉銀四兩二錢 伙勇十八

名每名每月三兩三錢 護勇十名每名每月餉銀四兩五錢 什長十六名每名

每月餉銀四兩八錢 拉礮車馬六匹每匹每月喂養銀三兩 馬夫二名每名每

月餉銀三兩

拉礮車馬六匹係暫時操練配用以資節省出征時再行請派五生

車馬亦出征時的

的以上車礮每尊馬六匹五生的以下車礮每尊馬四匹運送十柴

量多寡再行請派
步隊三哨 正副哨官各三員每名每月薪水與礮隊同 正排長一名每月薪水

銀二十四兩 副排長九名每名每月餉銀七兩二錢 鼓號教習一名每月餉銀十兩 鼓號兵七名每名每月餉銀七兩二錢 正槍匠一名每月餉銀十二兩 副槍匠一名每月餉銀九兩四錢 護勇十名親兵六十名每名每月餉銀四兩五錢 什長二十二名正兵一百五十八名伙勇二十六名每名每月餉銀與礮隊同 製辦官弁兵丁冬夏衣袴戰靴四百九十六分馬夫不給伙勇兩分作一分算每名每月攤銀六錢每月二百九十七兩六錢前件除營官副營官外自正副哨官以下概給操衣袴靴 以上前營礮隊兩哨步隊三哨統共每月支新餉衣袴戰靴費用等項銀三千零四十七兩六錢

後營新餉制

馬隊兩哨步隊三哨

營官副營官各一員辦理文件巡查醫官經理軍裝各員弁每月薪水與前營同 馬隊兩哨 正副哨官各二員正排長一名副排長四名每員每月新餉與步隊同 獸醫一名每月餉銀八兩 獸醫藥料每月支銀十六兩 什長十名馬兵八十

四名伙勇十二名每名每月餉銀與礮隊同 馬一百匹每匹每月喂養銀三兩馬

夫二十名每名管五馬每名每月餉銀三兩 營官給馬乾二匹正哨官每人給馬乾二

匹副哨官每人給馬乾一匹共八匹每匹每月喂養銀三兩 營官等馬由白備但月給馬乾銀兩

修補鞍轡馬嚼馬掌馬槽每月支銀二十四兩

步隊三哨 自正哨官以下至伙勇官弁各制每員名每月新餉銀并與前營同

製辦官弁兵丁冬夏衣袴戰靴三百九十九分馬夫不給伙勇每名每月攤銀六錢

每月二百三十九兩四錢 以上後營馬隊兩哨步隊三哨統共每月支新餉馬乾

衣袴戰靴費用等項銀共二千九百六十五兩二錢

工程隊一哨 由前營營官兼管將來換充時再行另派營官 正副哨官各一員每月薪水與礮隊同

木匠首鐵匠首磚石匠首編雜結繩匠首各一名每名每月餉銀七兩二錢 護勇

六名什長八名正兵八十名伙勇十二名每名每月餉銀與礮隊同 刀斧鉞鋤

繕等項工匠需用器具物料每月支銀二十五兩

此項專為操練所用出征時需用器具物料甚多屆時再行備辦

製辦官兵冬夏衣袴戰靴一百零六分

伙勇兩分作一分算每名每月攤銀六錢每月

六十三兩六錢 以上工程隊一哨統共支銀六百零三兩九錢

一擦礮油料每尊每月給銀三兩

一帳房馬棚照章每六個月更換一次如將來

仿西制設立兵房則此項即不復開支但支歲修之費 一馬匹倒換隨時核實報

補仍不得通向章每百匹按年換三十六匹之數

一號衣袴戰靴鞍轡礮衣洋鼓

號並洋式鐵鋤等項照初成軍例製給一次


龍易按自來軍營積習凡兩大端一曰廢弛一曰剋扣廢弛者玩玩則士氣由之

驕縱疲頑剋扣者貪貪則軍心因以猜忌猜貳二者其積非一朝夕其禍終中於

國家豈細故哉故荆楚之圖霸也必曰討國人而申儆之儆曰深斯軍備益嚴所

由兩廣稱雄強甲諸夏曾文正之勸誠營官也必曰尚廉儉以服衆能廉儉斯善

拊循故守其訓者莫不建大功樹偉名。由斯以論可見整軍無他亦惟在見微慮遠者之隨時力加補救而已。孝達制府知其然也。本此興辦鄂軍洋操。其奏章聲叙云。洋操朝夕操練。無間寒暑。不惟勇願無一名短缺。所擬各項涓滴均歸實用。似此深謀學畫。法戒昭垂。一洗從前軍營陋習。是誠得維持士氣軍心之大原矣。使各將領率此以往。鼓舞作興。不特操法槍法礮法從此另開生面。可以胡顏泰西。將古來名將如王翦之休兵。投石超距。郭崇韜之發令。霍擊威。漢李廣之士樂為用。元伯顏之將萬眾如一人。舉可於毋廢他母。剋扣兩事基之。非然者。使徒襲洋操之虛聲。而轉遺揭內之深意。保無有名無實。輟轉效尤。千波一浪。是欲借以救練營練軍之窮者。更厯久之。或仍不免為練營練軍之續也。又豈孝達創始之意哉。志曰善治者理於未生。善戰者勝於無形。此中消息。更願以告後之承乏行間者。



海軍營制

提標之制 用人五十八員名

統領提督一員 中軍參將一員 總管全軍資俸名冊水工啓下一切事件并 督

隊船隨帶調遣大副一員 都司 二副一員 守備 委員八員 內十總二員把總六員分派水師口岸彈

歷巡查 管旗頭目一名 一等管旗三名 書識六名 親兵二十名 內十二名

差當 一等文案二員 二等文案二員 繙譯官一員 總察全軍輪機事務參將

一員 管理全軍各船輪機一應修理等事并會 總察全軍軍械事務遊擊一員 考

各兵船船廠藥彈一切利弊稽查全 幫理守備一員 書識二名 親兵六名

軍收發存儲盈絀並收發雜械事務 各船之制

六千匹馬力鐵甲戰船 管帶總兵一員 副管駕一員 遊擊 幫帶大副一員 都司

充 駕駛大副一員 以下俱 魚雷大副一員 槍礮大副一員 礮務二副二員

船械三副一員

以下俱千總充

舢板三副一員

正礮弁一員

以下俱把總充

正巡查一員

水手總頭目一員

副礮弁四員

以下俱外委充

副巡查一員

總管輪一員

遊擊充

大管輪二員

都司充

二等管輪二員

守備充

三等管輪三員

千總充

魚雷管輪二員

以下俱把總充

艙面管輪三員

水手正頭目八名

以下兵匠

水手副頭目十名

一等水

手四十名

二等水手五十名

三等水手五十名

一等管旗一名

二等管旗

五名 魚雷頭目三名

一等升火頭目六名

一等升火二十四名

二等升火

二十四名 三等升火十二名

一等管艙一名

二等管艙一名

一等管油六

名 三等管油十二名 管傢具三名

一等管汽九名

油漆匠一名

帆匠一

名 木匠頭目一名 一等木匠三名

電燈匠一名

鍋爐匠一名

銅鐵匠各

一名 洋槍匠一名

魚雷匠二名

夫役十六名

二等文案兼支應委官一員

二等文案兼支應委官一員

二等醫官一員

管病房司事一名

以上共用

人三百二十九員名教習學生均無定額各船用人多少均視船身馬力之大小以定增減茲不過略舉數式以為標準

二千四百 馬力銅板快船 管帶參將一員 幫帶大副一員守備 駕駛二副

一員千總 船械三副一員以下俱 正礮弁一員 副礮弁一員外委 總管輪

一員都司 大管輪一員守備 二等管輪二員千總 三等管輪一員把總 水

手正頭目八名副頭目四名 一等水手二十名 二等水手二十名 三等水手

二十名 一等管旗一名 二等管旗二名 一等管油一名 一等管汽一名

一等升火頭目一名 二等升火頭目三名 一等升火十五名 二等升火十名

三等升火二名 木匠頭目一名 二等木匠二名 錫爐匠一名 銅鐵匠各

一名 夫役十名 二等文案兼支應委官一員 二等醫官一員以上用人一百二十七員名

一千匹馬力魚雷艇 管帶都司一員 幫帶大副一員千總 幫帶二副一員把總

正管輪一員千總 副管輪把總 一等舵工一名 二等舵工二名 一等

雷兵四名 二等雷兵八名 一等升火頭目一名 一等升火二名 三等升火二名 三等管油二名 伙夫一名 以上共用人二十九員名

四百匹馬力蚊礮艇鋼板守船 管帶都司一員 幫帶大副一員千總充 駕駛二

副一員把總充 礮弁一員外委充 大管輪一員千總充 二等管輪二員把總充 水手

正頭目三名 一等水手十名 二等水手十名 三等水手六名 二等管旗二

名 一等升火四名 二等升火二名 二等管油一名 二等管汽一名 一等

木匠一名 錫爐匠一名 夫役三名 三等文案兼支應委官一員 三等醫官

一員 以上用人五十五員名 以外餘船制器同用人多少亦視馬力大小為增減故不具錄

一百匹馬力鐵質運船 管帶遊擊一員 幫帶大副一員守備充 駕駛二副一

員千總充 船械三副一員以下俱把總充 正礮弁一員 副礮弁一員外委充 大管輪一

員守備充 二等管輪一員千總充 二等管輪一員把總充 水手正頭目二名副頭目

四名 一等水手八名 二等水手十二名 一等管旗一名 二等管旗二名
一等升火四名 二等升火六名 二等管油一名 二等管汽一名 一等木匠
一名 二等木匠一名 夫役三名 二等文案兼支應委官一員 三等醫官一
員 以上用人五十七員名

練勇學堂 督操都司一員 操練大副一員 千總 正礮弁一員 以下俱 水手

總頭目一員 副礮弁一員 外委 水手正頭目三名 夫役四名 三等文案兼

支應委官一員 三等醫官一員 教習無定額 正礮目八名 副礮目十二名

一等練勇五十名 二等練勇一百名 三等練勇一百名 以上用人十四員

礮目練勇二百七十名

俸餉之制

提督以下各員俸餉 提督 官俸三千三百六十兩 總兵 官俸一千五百八十四兩 副

將官俸一千二百九十六兩
船俸一千九百四十四兩
參將官俸一千五百八十六兩
船俸一千四百四十兩

都司官俸六百二十四兩
船俸九百三十六兩
守備官俸三百八十四兩
船俸二百八十八兩
千總官俸二百八十八兩
船俸四百三十二兩
把總

官俸一百九十二兩
船俸二百八十八兩
外委官俸九十六兩
船俸七十六兩
以上俱加閏扣建

兵匠月餉 正礮目二十
副礮目十五
水手正頭目十四
水手副頭目十二
一等水

手十二等水手八
三等水手七
一等練勇六
二等練勇五
三等練勇四
管旗頭目六

兩一等管旗十二
二等管旗八
魚雷匠二十四
魚雷頭目十六
魚雷一等舵工十四
魚

雷二等舵工十二
一等雷兵九
二等雷兵八
一等升火頭目十六
二等升火頭目十四

兩一等升火十二
二等升火十三
三等升火八
一等管艙二十
二等管艙十六
一等管

油二十
二等管油十八
三等管油十六
一等管汽十八
二等管汽十六
三等管汽十四

兩管傢具十五
電燈匠三十
鍋爐匠二十
鐵匠二十
銅匠二十
洋槍匠二十
帆匠十六

兩油漆匠十六
木匠頭目十六
一等木匠十二
二等木匠十
書識匠在船當差者十二
在岸當差者九

兩親兵在船當差者六兩在岸當差者四兩夫役在船當差者六兩在岸當差者三兩以上俱加閏扣建

船上差缺薪糧 一等文案兼管支應委官月支銀三兩 二等文案兼管支應委官月支銀二兩

銀二十兩 三等文案兼管支應委官月支銀三兩 司事在船當差者月支銀十六兩在岸當差者月支銀十二兩 總醫官月支銀一兩 一等醫官月支銀一兩 二等醫官月支銀一兩 三等醫官月支銀一兩

教習無定數一等學生月支銀一兩 二等學生月支銀一兩 三等學生月支銀一兩 以上均加閏扣建

各船並練勇學堂提督以下員弁人等月支俸餉總數 頭等鐵甲戰船每月支銀五十三兩 次等鋼板快船每月支銀二十六兩 頭號魚雷艇每月支銀五十二兩 蚊礮艇守船每月支銀八十六兩

六兩鐵質運船每月支銀一兩 練勇學堂每月支銀一兩 提督每月支銀七兩 中軍參將並差遣員弁人等每月支銀八兩 總察全軍輪機事務參將並書識每月支銀三十二兩 總察全軍軍械事務游擊並弁兵人等每月支銀十三兩 以上均加閏扣建

中西兵略指掌 卷二 海軍營制 二十

兵丁加賞 凡各船水手人等當差勤奮異常得力准由管帶官稟明提督酌賞餉

銀約每日加餉銀一分或遞至二分三分仍以加至三以示鼓勵

行船公費 前北洋餉事另有行船公費一項係查照前船政大臣沈葆楨奏定章程

價值甚鉅應須添置修葺均准報明驗估另行核撥並應雷煤炭火藥彈子各項隨

時具領外其水費以上船艙內外應用各色洋漆油斤紙張線紗布並買淡水起

用單及書牒俸平均由管帶官於按月所發行船公費內動用不準另請開支頭等

鐵甲戰船百五十兩 次等銅板快船百二十兩 蚊礮艇守船百五十兩 鐵質運船月

銀二以上俱加閘扣建如油漆紗線等項購辦給發後各

醫藥費 凡各船員弁兵夫有在船患病或因戰因公受傷應需頭等戰船歲支銀

次等快船歲支銀二百兩 礮船歲支銀一百兩 運船歲支銀一百兩 以上均不加閘扣建如藥料購辦給

官弁傷廢俸 凡提督以下官值以上官員臨陣受傷或廢或因公受傷或廢或在

一年官俸以資養贍並撥原籍省分道路遠近酌給川資銀兩 凡千把外委人員

臨陣受傷或廢或在海軍供職逾二十年積勞受傷不能做官當差者或末滿二十

年而曾歷著有戰績積勞受傷不能做官當差者均於開缺後給予一年官俸以資養贍並按原籍省分道路遠近酌給川資銀兩
卹賞銀 查光緒十三年六月兵部奏明北洋兵船員弁病故卹賞應查照前南洋大臣左宗棠奏定章程除管駕官歸奏案辦理兵勇每名給銀八兩外其大副以下人等遇有積勞在船身故者按一月薪糧給發卹賞其因病離船尚未開缺旋即身故者減半給發倘有在洋因風飄沒及陣亡傷亡者加倍給予兩月薪糧等語北洋大臣已咨復照辦卹銀概由支應局給領無庸另議章程

考拔之制

藝官升擢例

凡管輪人員由學生出身者在學堂學習幾何算法代數三角格致件由管帶職船官會同全軍總管輪官考試廠藝如能深明管輪應辦之事並機艙內一切器具用法准上兵船練習遇有管輪把總缺出准其挑補凡管輪子總遇有管輪守備缺出由管帶官會同總管輪官考試如深明機器製造之理汽機利弊洞悉無遺凡機器折開各部位俱圖繪無訛以備機局按圖製造機艙內逐日事件均登日記冊內絕不錯漏即准其升補以下凡都游泰將等考升亦如之

弁目升擢例

凡正職弁其缺為把總職司教練艦並藥彈糧布置事宜由副職試官查明實係老練水手善於駕駛運舵之法並熟悉沙綫夜間懸燈避撞章程能在船上值更先在艦礮礮船上考過略知算法如幾分小數三率平方根封數表三

角用磁表法船各磁專攻一點法以象限儀安置磁靴法教習學徒法記載收儲
軍火法凡水手總頭目其缺為把總職司照管帆纜船械事件由水手正頭目考
升應考者必須查明實係老練水手並請船上值更執事深知避撞章程並按照海
軍法度頒配纜纜安置船艙配搭起重架落桅盤略識粗字算法
招考學生例凡挑選學生須耳目聰明口齒清楚年年在十四歲以上十七歲以下
已讀二三經能作論作文者准其覓具保人送堂考驗合選者留水

師學堂習英文三箇月俟甄別擇留肄業名為海軍官學生以後仍輪年考試不合
道者則退學生在堂四年應習功課一英國語言文字二地輿圖說三算學至開
平立諸方四幾何原本前六卷五代數至連對數表法六平強三角法七駕駛諸法
八測量天象推算經緯度諸法九重學十化學格致學生在練船應考學問凡
學生肄業四年合行大考中式者派上練船練習一年凡大礮洋槍刀劍操法藥彈
利病工統結繩用帆諸法一切船上應習諸藝俱能通曉春秋考皆中式准保以把
總候補其春秋考程式一算學代數二幾何三平強三角法四駕駛理法五駕駛天
文理法六繪畫海國七重學流質學八編譯英文九汽學十諸學難題凡考試學
生船藝學汽學三項其應得分數列下船藝英文九汽學十諸學難題凡考試學
為平汽學分數以四百為率學生保把總後應考課程凡候補把總應令各備
天文日課簿一冊將船上推日推算經緯度詳載每達考校日期呈由考官核覽
一求儀器差法用海面地平推求法用經緯度詳載每達考校日期呈由考官核覽
用太陽經星近于午高法用重測太陽或經星高法用太陽離法三求經度用子午高法用子午高法用子午高法
第一星或緯星高法用重測太陽或經星高法用太陽離法三求經度用子午高法用子午高法用子午高法
表時刻法用太陽經星高法用重測太陽或經星高法用太陽離法三求經度用子午高法用子午高法用子午高法
率用單高法用等高法用五求羅經差用太陽高法用離法四求度時表差並每日差

向法用太陽出入地平經度法
 凡候補把總在學堂學習六箇月後應考駕駛學問
 箇月後投考駕駛學問不中式或現避考者革除其考校駕駛學問應得分數列
 下一代數應用法二百二十五分二幾何至歐幾里得第六卷一百二十五分三角
 對數理並用法二百二十五分三角邊角相求法一百二十五分四力學靜力學動力學水
 法界說各種公式平格三角邊角相求法一百二十五分四力學靜力學動力學水
 學一百二十五分五格物學水氣重學理鏡學熱學吸鐵學風雨表遠鏡地平經緯
 儀紀限儀乾濕寒暑表地平儀等件製法用法一百二十五分六機器學熱理汽理蒸
 機器推輪一百七十五分英國語言文字照寫字音文法由漢譯英由英譯漢一百八
 氣缺學風應急流地七方而並隨時變換之理推算經緯度法墨如多繪畫海圖法
 之表陣兩理法一百九分駕駛學各種行舟法推算經緯度法墨如多繪畫海圖法
 推算大星過子午線法推算緯度用子午線法推算經度法用子午線法推算經度
 高經法用垂測高經法用月離求經度法用子午線法推算經度法用子午線法推算
 求羅經差法用高經法求羅經差法用真時求羅經差法推算測法用出入地平經度
 學界說理法公式證據各種差數解法設題二百一十一測量學用海圖法求度時
 表差法求距頂度法量底線法求緯度法求經度法求真向法布三角法求地平法
 測水深淺法指定方位法量測法設立海口法一百一十二儀器用法風雨表紀限
 儀借地平測量地平經度羅經地平經度儀酒半四十分十三測天測日求緯度求
 度時表差求羅經差六十分以上統計一千五百分凡考駕駛學問其分數在一千
 二百五十分以上者給予一等執照一千分以上者給予二等執照惟測天項下分
 數不滿三十者不給執照凡候補把總在學堂學習六箇月考校中式者擬入練船
 再學習三箇月如考列一者即保以千總候補次等仍分派各兵船差遣練習候升

考升練勇例

凡募練勇年十六七歲者按裁衣尺以月高四尺六寸以上為平年十八歲者以月高四尺七寸以上為平應募之人必須自書姓名略能識字初應募者名為三等練勇在練船練習一年考試中式者升為二等練勇再考中式升為一等練勇三等練勇考升二等練勇各技藝列下一等練勇各技藝列上並羅經體用各法船頭挂鐘之例六會泗水七四輪礮洋槍刀劍之操法二等練勇考升一等練勇各技藝列上三等練勇考升二等練勇各技藝列下並羅經體用各法船頭挂鐘之例六會泗水七四輪礮洋槍刀劍之操法應知之事如張帆疊帆等法一槓礮項下四輪礮操法大礮操法洋槍步法刀劍操法

簡閱之制

一海軍各船應逐日輪派一人於天氣風色水勢及行泊時刻操演次數凡有開操防無細事務概行登記日則營輪官將機艙內輪轉運速日用煤油各料若干並有無事故亦概行登記由管帶官隨時稽察如有錯漏小事記過一次大事記過二次或酌量懲辦均報明提督查考

一各船逐日小操由各管帶官自記功過外其每月大操一次兩箇月全軍會操一次均由提督親自校閱分別功過酌量賞罰

一北洋各船每年須與南洋各船會有一次提督於立冬以後小雪以前統率各艦開赴南洋會同南洋各師船巡閱江浙閩廣沿海各要隘以資應練或巡歷新加坡以南各島至次年春分前復仍回北洋所有各船會哨巡歷日期地方及每日操練情形由左右翼總兵中軍副將等細登日記呈由提督冊報北洋大臣咨送

海軍衙門查考至會哨地方或有未便預定之處應由提督每年先期與南洋統
將約定並由南洋統將呈明南洋大臣核示遵行
一 南北洋兵船通奉分以復凡南洋兵船如南洋兵船南端開濟饒清泰保民等類能
提督每年由海軍衙門調歸北洋合操即暫歸北洋提督節制逐日督同操練視
海戰者應由海軍衙門調歸北洋合操即暫歸北洋提督節制逐日督同操練視
如北洋兵船一律辦理不得稍分吟域并就近由北洋大臣隨時閱操一面分別
賞罰一而咨會南洋大臣備案其薪糧煤費等項照案仍由南洋開支節過秋分
以後南洋兵船仍回南省各島巡歷不得以北洋定章將逐日巡歷情形細登日記
冊報南洋大臣咨送海軍衙門查考不得以南洋大臣寓遠偷安不操亦不得以
海戰之船為沿海督撫大員等迎送差使
一 各船在北洋每年春夏秋三季沿海操巡應赴奉天直隸山東朝鮮各洋面以次
巡歷或以時游歷俄日各島其每次應從某處至某處由提督核酌定期請北洋
大臣示遵俟操巡回成後將所歷地方各情形報明北洋大臣查核
一 兵船如奉海軍衙門北洋大臣調赴有約各國巡歷藉以保護商民練習技藝須
將所歷各地方形勢商民情形船中操練各節細登日記隨時呈報北洋大臣核
其往返沿途操練情形有無事故分別給獎記過該兵船每到一國該提督處外
欽差大臣及領事官所居不遠應即往見詢商一切並依各國通行禮往謁該處外
國官以聯邦誼倘遇華商危急等事非奉欽差大臣及海軍衙門北洋大臣電
示不準率行派兵登岸開時水手人等放假登岸須遵兵船規則不准滋事並
由欽差大臣或領事官隨時將兵船到華操練日期及有無事故各情形報明
北洋大臣轉咨總理海軍衙門總理各國事務衙門查考其行船公費及煤初食
用應酌加若干由北洋大臣督同支應局委員查取原限原費單核定給領案報

一 每年由北洋大臣開撥一次刻將以下擇尤存記彙獎題目以下酌賞功牌頂戴其藝生者分別記過降罰

一 每逾三年由總理海軍事務衙門王大臣請旨特派大臣會同北洋大臣出海校閱一次擇其操練勤熱曾經遠涉外洋咫尺各島屬國辦事妥洽能耐艱苦者

照異常勞績酌保其次者照尋常勞績附保不稱職分別記過降罰

一 王大臣與北洋大臣出海校閱海軍應將防守水師口岸砲台各員營通行校閱

一 遇如弁勇中有操練臺砲水雷等藝已極精熟確知理法堪充教習之選或弁

勇築造砲台隔岸鉅工勞苦已逾三年驗定合用並無損壞等弊者俱准其每營

擇尤酌保數員但所保異常勞績人員不得過所保人數十分之三

一 三年校閱之期凡海軍衙門辦事人員及北洋總理營務糧餉軍械學堂文武人

員並應用教習洋員當差洋弁洋匠如三年中實係異常出力有功效可見者准

擇尤照異常尋常勞績分別酌給獎敘但所保人員不得過咨部立案人數十分

之三

一 凡遇三年校閱已得保獎人員遇五年沿海各省營局開列創保之時不准再保

龍昌崇歐洲近千八百八十年來時局屢變各國經營水師甲艦縱橫海洋或憑

以恢張國權或藉以維持和局此海軍一項所以羣奉為建國基礎近歲擴充汲

汲恐後而我中國亦因之仿照辦理也獨是工之治大廈也必千柱百榑取材具

備而後可以成壯麗之觀人之治一身也必榮衛氣脈貫輸無病而後可以收指

臂之功。中國海軍自光緒十三年間開辦。後經營雖歷數載。然總計寥寥廿餘艘。平日操練。尚不成軍。而其中馬力速率機械件件遜劣。又益以管帶非人。此固不待東方交綏而早決其必至傾覆也。頃者中朝懲前毖後。更謀再興。方擬構艦。英德規復船政。冀作忘羊之補。此誠我中國發憤為雄。轉弱為強一大機鍵。乃外人議者。竟有謂效顰無益。徒譏慢藏。某西報云。中國現方缺乏人才。而船政購置愈多。愈招外來仇視。而思復奮既無人。焉可覆轍堪虞。無取浪費者。英不雷爾海軍略云。中國於朝日戰後。猶欲添弄海上之權。乃購買鐵甲戰艦。又欲託英德造船公司。連堅艦。今我為中國謀。以爲不必作此下策也。如此不通。浪費開帑。授敵人以利。焉取何則。東方今日之局。必不足以支十年。而此十年內。中國所練之海軍。猶不足以敵歐洲諸國中之最弱者也。然則練此何為。予且中國他日之危。不在海。而在陸。政無庸以操國帑於防海。岸為得計也。若嗚呼。為此語者。豈不聞夫費鉅萬之貲。以連戰艦。不過再成黃海威海之覆轍耳。嗚呼。為此語者。豈不聞會稽之挫。即為沼吳之機。乃率爾輕量。詆毀一至此耶。雖然。人之多言。未必無見。我之自強。總宜作新。作新焉在。前曾文正云。救天下之患者。必推其患之所自來。

而治其受害之處。就今日海軍而論。竊謂非先去三弊。不足以植新基。非繼講四要。不足以張遠圖。所謂三弊奈何。一曰清病源。往者北洋兵輪。何一非費巨貲。數十萬磅者。乃未遠失事於旅順。見警西人。據某西報云。前辦水師軍械。向由天津又含舊轍而覓新途。京中諸人得實此中滋味。轉若恆飢。而永難厭足。者定購開軍既多。其立能致富。雖極其奢。夢之亦不。及此。譬如購上。等快船。艘計價二萬磅。固亦尋常事耳。而二萬磅之同。扣直可比。此好之油。潤試所及。足以盡去中國官場之掙扎。阻力矣。既利此。回用而吞之。目必至。債事而後已。但在得錢之人。猶若漢不相。開味。然勿。願試。即近事。驗之。未遠。兵船。於。鴨綠江。戰後。駛進。旅順口。時其船身可。訖之。狀。及。遠。匠。可。醜。之。狀。明。若。觀。人。西。人。見。之。頗。多。當。議。謂。雖。匪。技。之。最。劣。者。亦。何。至。遠。成。此。等。醜。惡。之。船。並。有。人。力。當。某。洋。人。在。中。國。官。場。頗。著。聲。望。者。中。報。其。事。而。某。洋。人。俯。頭。搔。首。而。答。曰。此。事。中。國。人。能。看。望。其。定。遠。之。四。船。價。值。相。宜。已。成。其。三。工。亦。不。惡。及。遠。第。四。船。之。時。款。已。不。敷。蓋。皆。庫。費。於。購。船。回。用。而。盤。之。矣。彼。方。冀。不。受。虧。抑。則。斯。船。之。工。料。人。馬。能。十。分。堅。好。此。中。情。事。向。多。秘密。人。無。知。者。其。實。因。如。是。廣。濟。被。虜。於。威海。見。捕。東。倭。丁。汝。昌。守。威海。甘。樹。耳。且。難。保。將。來。不。再。蹈。此。弊。也。廣。濟。被。虜。於。威海。見。捕。東。倭。降。旗。廣。濟。被。虜。之。後。倭。人。見。其。機。件。陋。劣。試。為。根。究。原。由。如。彼。如。此。可。勝。痛。憾。夫。凡。物。一。處。留。瑕。則。全。不。靈。仍。交。回。中。國。局。受。害。故。船。不。堅。利。與。無。船。同。講。求。海。軍。者。管。帶。之。人。才。猶。後。經。手。之。廉。能。實。先。

見中土船廠無幾勢不能不買之外洋法宜於定船之初先為酌取某式繪圖詳開鋼甲若干厚寬長若干尺壓水若干噸馬力若干匹每點鐘行若干海里配某式大礮輕礮快礮機器礮若干尊魚雷筒若干管選委幹員持式分赴各國名廠如日本派員法上年日本曾派出造船大監櫻井氏等九員分赴英法美各國擬邀集各造船家示以製船之式俾招人爭攬視價廉工堅者定之到彼邀集造船家承攬視價廉工堅者定之俟駛回本國合同比較即以工之遲速堅脆定委員之考成熟陟委員知所懲勸蠲營徇苟之弊絕斯工料可期結實而水師之根本立矣二曰除官氣夫兵者危事故宣尼之論行軍首在知懼而孫氏之言將略尤重去驕驕懼二者相反實即成敗關頭故統領之在戰船非養尊處優之地乃卧薪嘗膽之地如全船輪機之遲速槍礮藥彈之利病與夫兵弁操防職司之勤惰在在均關緊要為統領者誠時時逐件躬親考察庶觸目警心藉以常提其志慮志慮勤斯謀勇由此而生即不幸一旦有事懼無以圖存無以制勝

而存與勝之機在是矣。茲海軍提標之制既有中軍參將總司承上啓下一切事
件。復有守備一員為之幫理。即以總察屬之。未為不可。乃更設參將遊擊二員。分
管輪機軍械。日習為常。於是統領每事可置之度外。始則以為不必親。繼且以為
不屑親。所習見者不過叩頭請安。應對趨承諸末務。而處優養尊之中焉。遂不可
究詰。驕態日長。即軍事日壞。水師之有名無實。實根於此。昔曾文正嘗言用兵大
忌官氣。竊謂海軍中則尤不可不辦之早也。三曰汰冗員。自來官事之壞。半由於
互相推委。推委之故。實由於冗員過多。茲如汰提標之兩總察。而統領之推委無
可措。等而下之。各船之副管駕。并於幫帶副巡。查并於正巡。大管輪。二等管輪。各
并其一。三等管輪。艙面管輪。各并其二。此參遊以下各員之可汰也。此外二等管
旗。裁其三。三等管油。裁其八。二三等水手。及一二等升火。各裁其十之五。此兵匠
之可汰也。各船准此遞減。約而計之。不特每船無歲可省俸餉銀二萬餘兩。且將

弁汰益以專各務之責。成兵匠汰可以免臨事之壅擠。由此人皆盡職。餉無虛糜。而整頓之實效可馴致矣。所謂四要奈何。一在變選法。夫學堂之設。原以造就人才。才者。謂其能効力盡忠。今日學生。即期為他日管帶。故選士之格。軀幹精悍。有膽氣者為上。心地樸誠耐勤勞者次之。至形貌柔脆。粗具智慧。氣質浮囂。徒工辯給者。斯最下矣。招考向章。專取幼齡俊秀。其始由各營咨挑。實則流弊所滋。凡實錄請託而來者。無非紳宦戚屬。與臺廨養一流品類。既下。即造就難期。無怪水師學堂舉辦累年。而此中所得。究屬寥寥也。竊謂國家初以騎射教天下。武舉一途。既經各疆臣詳加揀選。其間上次兩項。似不乏人。若於此稍為變通。着真省督撫州縣。各舉武科之志趣遠大者。咨送各學堂。作為頭等學生。稍優其廩餼。以之學習。計算操演等事。武舉等知識既殊。領悟較易。更益以培養策勵。干城之望。當無出此。於以維學堂之弊。而濟武科之窮。未始非兩得之道也。二在增船廠。外

洋水師之盛實由各國廠。甚布星羅。故兵艦之製日新月異。歲有增添。誠以工藝熟則巧目生。製造多。所用自裕也。中國船廠自前大學士。常建議創辦。僅成福建羅星塔一區。計每造一艘。必曠日持久。殊屬不敷取携。若仍專恃購買。一船所耗動逾億。掃雪填井。紆困何時。查現在滬漢鋼鐵各廠。試辦以來。所製鍋爐機件。均極合用。似應至於該兩處。就近量添船廠。或官辦。或商辦。或官商招股合辦。由此逐漸擴張。使水師艦械不至長仰他人鼻息。庶恢軍實。即以塞漏卮。自強先策。固非第防海要圖也。三在廣屯軍。凡軍必進可以戰。退可以守。方為策出萬全。故建海軍必先設屯軍。屯軍形勢便利。憑以阻遏敵衝。斯我可以攻而敵不可以入。既設屯軍。尤宜多築船塢。船塢船塢為水師根本。歐洲各國無不甚布。星羅見日本境內。船塢除沃加蘇。架大地。如美及立神。飽浦各處外。遠距黃海百餘里。間誠以兩軍相爭。輪船損傷。勢所不免。惟船渠隨處應手。并有造船所及船渠。遇有修補。咄嗟立辦。為再出接戰地步。實於勝負大有關係。觀上年鎮遠輪船之

所以失。某內報云沿海地方凡為水師駐紮之處使僅有礮臺而無船塢此正是在進口時與礮石相剋而礮及攻之堅其船之戰疎疎漏遺誤足為炯戒茲既重整海軍則門戶之地如黃海沿濱以及北洋之大沽膠州南洋之吳淞崇明鎮海各口尤不可不亟為籌添也。四在求實效。海軍之設歲費鉅萬原以備有事緩急之需乃簡閱定章遠日小操每月大操兩年會操制非不善無如事久玩生平日視等具文臨事何來把握故欲練成水師勁旅莫如盡汰不關痛癢虛套將一切練陣練守練攻練地練時各法逐月分別實在攷求請吉其略因陣而練如魚貫法雁行法滾滾湯法三角避礮法旋轉免觸法按行周度法增減速率法分合疎密法此練陣也因守而練如置浮臺法安伏雷法布屏網法保護礮臺法阻遏登路法此練守也因攻而練如包抄法尾追法測敵行軍法離合誘截法乘間直撞法兩軍合搏法以三圍一法雷筒助戰法此練攻也因器而練如交戰之要惟礮

與雷。取距測量法。礮準改變法。迎擊斜擊法。聚擊遙擊法。各種雷用法。借雷去阻
法。配雷射敵法。角度交點法。檢表施放法。此練器也。至以地利言。如沿海。行省
何處多沙淺暗礁。何處可登路。何處宜停泊。何處宜駐防。何處宜扼擊。逐一勘履
熟記。此因地為練也。以天時言。如用兵貴出不意。若者宜大霧。若者宜黑夜。若者
宜雨雪風濤。種種預先演習。此因時為練也。似此逐件精求。而又每操必假作敵
形。每日率如同寇至。斯操練非空空徒耗子藥。武備非空空徒糜新餉。而一船可
收一船之實用矣。夫海軍之法。歷來各名公章。奏條議言之綦詳。不重贅。茲因
搜輯營制。感某報之識評。爰就管窺所及。略抒補救數事於此。因猶是文正公治
患之微意也。在刷耻有心者。倘援芻蕘之議。為之因病施藥。使海軍壁壘驟然改
觀。我中國其庶有乎。

軍謀

沅南陳龍昌成叔甫輯

論兵

湘鄉曾國藩撰

凡用兵主客奇正夫人而能言之未必果能知之也。守城者為主。攻者為客。守營壘者為主。攻者為客。中途相遇先至戰地者為主。後至者為客。兩軍相持先吶喊放鎗者為客。後吶喊放鎗者為主。兩人持矛相格鬥先動手戳第一下者為客。後動手即格開而即戳者為主。中間排隊迎敵為主。左右兩旁抄出為奇兵。屯宿重兵堅紮老營與賊相持者為主。兵分出遊兵飄忽無常伺隙狙擊者為奇兵。意有專向吾所持以禦寇者為主。兵多張疑陣示人以不可測者為奇兵。藏馬疲卒候旗愈鼓本強而故示以弱者為奇兵。建旗鳴鼓屹然不輕動者為主。兵佯敗佯退設伏而誘敵者為奇兵。患主患客患正患奇變動無定時轉移無定勢能一一區而別之則於用兵之道思過半矣。

治軍之道以勤字為先。勤則強。佚則病。家勤則興。懈則敗。國勤則治。怠則危。軍勤則勝。惰則敗。情者其氣也。常常提其精氣為要。

軍事有驕氣。情氣皆敗氣也。孔子之臨事而懼。則絕驕之源。好謀而成。則絕情之源。無時不謀。無事不謀。自無情時矣。

兵者陰事也。哀戚之意。如臨親喪。肅敬之心。如承大祭。威為近之。今以牛羊犬豕而就屠。見其悲啼於割剝之頃。宛轉於刀俎之間。仁者將有所不忍。況以人命為浪博。輕擲之物。無論其敗喪也。即使倖勝。而死傷相望。斷頭洞胸。折臂失足。血肉狼藉。日陳吾前。哀矜之不遑。喜於何有。故軍中不宜有歡欣之狀。有歡欣之象者。無論或為和悅。或為勝盈。終歸於敗而已矣。田單之在即墨。將軍有死之心。士卒無生之氣。此所以破燕也。及其攻狄也。黃金橫帶。而聘于淄澠之間。有生之樂。無死之心。魯仲連策其必不勝。兵事之宜慘戚。不宜歡欣。亦明矣。唐慶季年。名將楊過春。集兵戰功。

嘗語人曰吾每臨陣行間覺有熱風吹拂面上者是日必敗行間若有冷風身體似不勝寒者是日必勝斯亦肅殺之義也

莊子云兩軍對壘長者勝矣故凡用兵人人料必勝者中即伏敗機人人料必挫者中即伏生機

軍事須從日用眠食上下手

練勇之道必須營官晝夜從事乃可漸幾於熟如鷄伏卯如鑪鍊丹未宜須臾稍離洋烟為壞營規之最盡行汰去不可稍存姑待之意黎明點名卯正辰初即可點畢嗣後每早或查營或點名或看操三者總行其一不專行查營一事也

凡軍氣宜聚不宜散宜憂危不宜逸樂人多則逸樂而氣漸散矣營雖多而可恃者惟在一二營如木然根好株好而後枝葉有所托如屋然柱好梁好而後椽瓦有所麗如遇小敵時則枝葉之美椽瓦之美儘可了事遇大敵時全靠根株培得穩柱梁

立得固斷不可徒靠人數之多。氣勢之盛。倘使根株不穩。柱梁不固。則一枝折而衆葉隨之一瓦落而衆椽隨之。敗如山崩。潰如河決。人多而反以為累矣。史冊所載戰事。以人多而為害者。不可勝數。近日如撫州萬餘人。卒致敗績。次青本營。不足以為根株為梁柱也。瑞州萬餘人。卒收成功。峙衡一營。足以為根株為梁柱也。對衆營雖不必過為軒輊。而心中不可無一定之權衡。

善覘國者。觀賢哲在位。則卜其將興。見浮員冗雜。則知其將替。善覘軍者亦然。宜略為分別。其營人極無用者。或厚給遣歸。或令居營外。不使軍中有惰慢喧雜之象。至頓兵城下。為日太久。恐軍氣漸懈。如雨後已弛之弓。三日已腐之肉。而主者晏然不知其不可用。此宜深察者也。

帶勇之法。用恩莫如用仁。用威莫如用禮。仁者即所謂欲立立人。欲達達人也。待弁勇如待子弟之心。當望其成立。望其發達。則人知恩矣。禮者即所謂無衆寡。無小大。

無敢慢泰而不驕也。持之以敬臨之以莊。無形無聲之際。常有懔然難犯之象。則人知威矣。守斯二者。雖蠻貊之邦行矣。何兵勇之不可治哉。

明戚繼光紀效新書中有立牌即古之盾也。有圓牌即今之藤牌也。統謂之據牌。又有所謂剛柔牌者。其法以生漆牛皮蒙於外。而以湖綿搓成小團。及頭髮裝於內。蓋戚氏自以巧思製造。非有所師於古也。古之干盾所以捍禦矢石。今之據牌所以捍禦礮子。礮子所當無堅不破。豈矢石所可同年而語哉。國藩初辦水師時。嘗博求禦礮子之法。以魚網數層懸空張挂。礮子一過即穿。不能禦也。以絮被漬濕張挂。礮子一過即穿。不能禦也。以生牛皮懸於船旁。以藤牌陳於船梢。不能禦也。又作數層厚牌。以竹鱗排於外。為一層。牛皮為一層。木絮為一層。頭髮為一層。合而成牌。亦不能禦也。以此而推。戚氏剛柔牌不足以禦礮子明矣。烏鎗子如梧子大者。或有法以禦之。抬鎗子磨山礮子。凡大如黃豆以上者。竟無拒禦之法。近時楊軍門載福等深知

砲子之無可禦。屏棄魚網水絮牛皮等物。一切不用。直以血肉之軀植立船頭。可避者避之。不可避者聽之。而其麾下水師弁勇亦相率而植立直前。無所迴避。明於此義。而古來千盾藤牌諸器皆可廢矣。

凡用兵之道。本強而故示以弱者多勝。本弱而故示以強者多敗。敵加於我。審量而後應之者多勝。漫無審量。輕以兵加於敵者多敗。

軍事不可無悍驚之氣。而驕氣即與之相連。不可無安詳之氣。而惰氣即與之相連。有二氣之利。而無其害。有道君子。尚難養得恰好。況弁勇乎。

治軍以勤字為先。實閱歷而知其不可易。未有平日不早起。而臨敵忽能早起者。未有平日不習勞。而臨敵忽能釋勞者。未有平日不能忍飢耐寒。而臨敵忽能忍飢耐寒者。微防挈眷擾民。習氣已深。實難挽回。吾輩當其習勤勞。先之以愧厲。繼之以痛懲。苦心訓練。施以湘軍營規。盡變微防積習。如果可用。則逐漸增加。以共維大局。用

兵之難。莫大於見人危急而不能救。

軍事是極實之事。廿三史除班馬外。皆文人以意為之。不知開仗為何物。戰陣為何事。浮詞偽語。隨意編造。斷不可信。僕於通鑑中之不可信者。皆筆識出矣。若云廿三史成書。為治軍之益本。則門徑已差。難與圖功。須盡棄故紙。專從事於點名看操查務。諸事也。

禁食洋煙一節。恩威並用。余則用威之時多。總期一律戒淨而後已。該弁勇等不知自愛。嚴懲一二人。始而怒。終必生感。務使大小上下。出仕者。則為體面之人物。還家者。亦不為洋佚之子。乃為金美。否則日染日多。不可復禁。主將之聲名。恐壞於麾下將弁之手也。

楚軍水陸之好處。全在無官氣。而有血性。若官氣增一分。則血性必減一分。八九兩年。過湖口時。彼此皆不免有官氣。當力戒以挽之。

軍營宜多用樸實少心竅之人。則風氣易於醇正。國家養練營兵五十餘萬。二百年來。所費何可勝計。今天難之起。無一兵足供一割之用。實以官氣太重。心竅太多。滿樸散醇。真意蕩然。楚軍之興。凡官氣重。心竅多者。在所必斥。歷歲綏久。亦未免沾染習氣。視國者。蓋以是病焉。

任事須抖擻精神。煥發志氣。將屈抑鬱積一概置之度外。用兵既久。民間厭苦。吾輩宜格外體卹。凡兵勇與百姓交涉者。總宜伸民氣而抑兵勇。所以感召天和者在此。即所以要獲名譽者亦在此。須實心行之。勿視為老生常談也。至於戰勝攻取。雖無把握。若守之必固。則可以人力操其權。下游各軍。氣習較重。但除洋煙賭博二事。久之聲實並茂。必可卓然自立。

勇夫極勤。至有采出費。則平日安本分可知。總之吾輩待兵勇如父兄。帶子弟一般。無銀錢無保舉。尚是小事。切不可使他因擾民而壞品行。因嫖賭洋煙而壞身體。當

箇學好人成材則兵勇感恩兵勇之父兄妻子亦感恩矣

就現在之額兵練之而化為有用誠為善策然習氣未改安能更鑄其面目而通滌其腸胃恐岳王復生半年可以教成其武藝孔子復生三年不能變革其惡習故常謂現在之兵不可練之而為勁卒新募之兵卻可練之使補額兵

近時各營之兵東調一百西撥五十將與將不和卒與卒不習勝則相忌敗不相救即有十萬衆在我麾下亦且各懷攜貳離心離德居今之世用今之兵雖諸葛復起未必能滅此賊也必須萬衆一心諸將一氣而後改絃更張或有成功之一日

兵者不得已而用之常存一不敢為先之心須人打第一下我打第二下凡軍騎氣則有浮淫之色情氣則有晦滯之色須時時察看而補救之

軍中須得好統領營官統領營官須得好真心實腸是第一義算路程之遠近算根仗之缺乏其使己之強弱是第二義二者微有把握此外良法雖多調度雖善有效

有不效。盡人事以聽天而已。以下論將

帶兵之道。勤恕廉明四字。缺一不可。

近年取將失之寬。又與諸軍相距過遠。危險之際。弊端百出。然後知古人威克厥愛。雖小必濟。反是乃敗道也。

營務處之道。一在樹人。一在立法。有心人不能不以戰勝攻取為恥。而以不能樹人立法為恥。樹人之道有二。一曰知人。善任。一曰陶鑄造就。

凡將才有四大端。一曰知人。善任。二曰善覘敵情。三曰臨陣膽識。四曰營務整齊。吾所見諸將。於三者略得梗概。至於善覘敵情。則絕無其人。古之覘敵者。不特知賊首之情。性使偏。而并知某賊與某賊不和。某賊與偏主不協。今則不見此等好手矣。賢弟當於此四大端下工夫。而即以四大端察同僚及麾下之人才。第一第二端。不可求之弁目散勇中。第三第四端。則末弁中亦未始無才也。

呂蒙誅取鑑之卒。魏降賊亂行之僕。古人處此。豈以為名。非是例。無以警眾也。

近年從事戎行。每駐紮之處。周歷城鄉。所見無不毀之屋。無不伐之樹。無不破之富家。無不欺之窮民。大抵受害於賊者十之七八。受害於兵者亦有二三。目擊心傷。喟然私嘆。行軍之害民。一至此乎。故每于將官委員告戒。總以禁止騷擾為第一義。帶勇之人。第一要才。堪治民。第二要不怕死。第三要不急名利。第四要耐受苦。治民之才。不外公明勤三字。不公不明。則諸勇必不悅服。不動則營務細鉅。皆廢絕不治。故第一要務在此。不怕死。則臨陣當先。士卒乃可效命。故次之。為名利而出者。保舉稍遲。則怨。不如意。則怨。與同輩爭薪水。與士卒爭毫釐。故又次之。身體羸弱者。過勞則病。精神短乏者。久用則散。故又次之。四者似過於求備。然苟闕其一。則萬不可帶勇。故吾嘗謂帶勇須智深勇沉之士。文經武緯之才。數月以來。夢想以求之。焚香以禱之。蓋無須臾或忘諸懷。大抵有忠義血性。則四者相從以俱。至無忠義血性。則

貌似四者終不可恃

古人論將神明變化不可方物。幾於百長並集。一短難容。恐亦史冊追崇之辭。初非當日預定之品。要以衡才。不拘一格。論事不求奇。細無因寸朽而棄。連抱無施。數苦以失。巨鱗斯先哲之恒言。雖愚蒙而可勉。士卒何定。得能者將之。雖市人亦勁旅耳。

將領之浮滑者。一遇危險之際。其神情之飛動。足以搖惑軍心。其言語之圓滑。足以淆亂是非。故楚軍歷來不喜用善說話之將。非僅一營為然也。

軍家之一勝一敗。其炎涼意態。往往出素所親信之將。弁若閱歷稍多。亦自見慣不驚。但須恢宏大量。以待事機之轉耳。

師行所至。須多問多思。王璞山帶兵。有名將風。每與賊遇。將接仗前。一先傳集各營官。暢論賊情地勢。袖中出地圖十餘張。每人分給一張。令諸將各抒所見。如何進兵。

如何分。某營埋伏。某營並不接仗。待事畢後。專派込剿諸將。一一說畢。璞山乃將自己主意說出。每人發一傳單。即議定之主意也。次日戰罷。有與初議不符者。雖有功亦必加罰。其平居無事。每三日必傳各營官熟論戰守之法。張凱高是王之幫辦。劉壽卿是王之部將。故二人守王之章程。將開仗之先。一夕必傳衆營官會議。至今不改。

凡為統領者。以親看地勢。親探賊情為第一要義。若不親自看明。親自探明。而浪行出隊。直至將近賊巢。輕進則恐中賊之伏。輕退則恐長賊之銳。進退兩難。最易誤事。李希帥多禮帥皆親看地勢也。

鮑春霆兩層大一字陣。打進步連環。李迪菴不肯輕進。待賊先撲。王璞山將戰。會諸將各獻計謀。皆宜深思而善學之。堅其志。苦其心。勤其力。大小必有成。

李迪菴兄弟之選營官。專取簡樸樸實。臨陣不荒。吾不能於臨陣觀人。而取簡樸樸

實。略仿李氏之意。

凡出隊有宜速者。有宜遲者。宜速者。我去尋賊。先發制人者也。宜遲者。賊來尋我。以主待客者也。主氣常靜。客氣常動。客氣先盛而後衰。主氣先微而後壯。故善用兵者。最喜為主。不喜作客。近日諸名將。多禮堂好先去尋賊。李希蒼好賊來尋我。

挫失之後。弁勇心目中。不無輕疑主將之意。田單拜神人為師。亦以勢弱。恐下不我信也。務於士卒前。少存不自足之懷。無當大股。無負奇功。得小小勝仗數次。則士氣漸轉而有可為矣。

三四十年来。一種風氣。凡凶頑醜類。概優容而待以不死。自謂寬厚。載福而不知萬事墮壞於冥昧之中。浸漬以釀今日之流寇。豈復可開弱寬。又令鼠子蜂起耶。一營官必須賢能之士。即幫辦亦須博求時彥。與其一手經理。或有不逮。不如求賢以自輔也。

扎營以深溝高壘牆子以落雨不塌為佳。深溝不必多。只要深要平。有一層靠得住。反勝於二三層靠不住者。每早三成隊站牆子。不特防賊。早來撲營。規矩習於平日。各弁勇自然人人早起。人人不懶散。以下論營。

凡修壘以濠深為妙。木城及外牆均有流弊。恐反為賊遮蔽砲子也。

操技藝之外。須常常操練隊伍。湘勇小操技藝之時多。若多飽兩軍。則大操隊伍之時多。又多公於大操時。不在校場平地。專擇翻山越嶺過溝跳澗之處。如隊伍不亂。則真不亂矣。以後操練宜常常學多公也。又待勇不可太寬。規規宜更整嚴。庶臨陣時勇心知畏。不敢違令。以下論陣。

多將軍陸河陣法。極為穩快。其法用四方陣面。均向外。前者向敵。且戰且退。後者面向歸路。防賊抄後尾。左者排列鎗砲。防賊包左。右者排列鎗砲。防賊抄右。收歸者皆在方陣之中。空處行走。如前左前隅之第一排。打鎗甫畢。又縮入中空處。走歸左後。

陽之末排站隊在前陽第二排打鎗畢又縮入中空處走歸左後陽之末排站隊第三排亦然。第四五等排亦然。右前陽之一二三四等排亦然。行走一二十里始終有四方陣排列不亂實收隊時萬全不敵之法也。

打仗用二字陣最好。前一層打銜鋒。後一層排立不動。最易取勝。屢試屢驗。若被擒匪四面包圍。即將二字陣變作方城陣。前一層在前左兩方。後一層站後右兩方。亦足自保。除一字陣外。操此兩陣足矣。

凡與賊相持日久。最戒浪戰。兵勇以浪戰而玩。玩則疲。賊匪以浪戰而猜。猜則巧。以我之疲。敵賊之巧。終不免有受害之一日。故余誠諸將。寧可數月不開一仗。不可開仗而毫無安排算計。以下論戰。

難於變軍者。蓋此營出隊之時。未週知會彼營。一遇賊匪接仗。或小有差挫。即用令箭飛請彼營前來接應。來則感其相援。不來則怨其不救。甚或並未差挫。並未接仗。

亦以令箭飛馬預請他營速來接應。習慣為常，視為固然。既恐惹人之怨，憾又慮他日之報復。於是不敢不去，不忍不去。夫戰陣吸呼之際，其機甚微。若盡聽他營之令，箭牽率出隊一遇大敵，必致誤事。必須力革此弊。與各營委曲說明，三令五申，人必多發哨探，細偵賊情。耳目較各營為確，則人暫信從，而前弊可除矣。

凡打仗一鼓再鼓而人不動者，則氣必衰減。凡攻壘一撲再撲而人不動者，則氣必衰減。

戰陣之事，須半動半靜，動如水，靜如山。

打仗之道，在圍城之外，節大短，勢太促，無埋伏，無變化，只有隊伍整齊，站得堅穩而已。欲靈機應變，出奇制勝，必須離城甚遠，方可隨時制宜。凡平原曠野開仗，與深山窮谷開仗，其道迥別。去城四十里，凡援賊可來之路，須令哨長隊長輪流前往該處，看明地勢，小徑小溪，一邱一窪，細細看明，各令詳述於前，或令繪圖呈上。萬一有出

隊迎戰之時則各哨隊皆已了然於心古人憂學之不講又曰明辨之余以為訓練兵勇亦須常常講肄也

凡看地勢察賊勢。只宜一人獨往。所帶極多。不得過五人。如賊來追抄。則趕緊馳回。賊見人少。亦不追也。若帶人滿百。賊來包抄。戰則吃賊之虧。不戰而跑回。則長賊之銳。兩者俱不可。故近日名將看地勢者。相戒不帶隊伍也。又相隔在五里以外。不可約期打仗。凡約期以號砲為驗。以排鎗為驗。以冲天火箭為驗者。每每誤事。余所見帶隊百餘人。以看地勢及約期打仗二事。致敗者屢矣。或眼見別營酣戰之際。率大隊一助。則可。先與約定。則不可。先未約定。而忽至。則有益。先約定回援。而不至。則有損也。

窄路打勝仗。全係頭敵數人。若頭敵站不佳。後面雖有好手。亦被人擠退。守城煞非易事。銀米子藥油鹽。有一不備。不可言守備矣。又須得一謀勇兼優者為

一城之去以下論守城

一守城須分開段落或二人守三垛或一人守二垛每一旗共守若干垛各有專責以免推諉

一守城須有游兵救應各處守垛之兵各有汛地此段有警彼段不可自棄汛地來救此段恐賊聲此而擊彼聲東而擊西也另設游兵一二支凡垛口各段有警皆可前往救應留一二門不用磚石堵砌以備游兵出城打仗既有游兵則各城守垛分段之兵皆不許動一步

一守城須外有應援以通糧路

一守城莫妙於鎮靜任他來多少賊堅囑守垛兵勇一聲不喊一鎗不放令其率然無味而去

龍昌按趙克國曰帝王之兵貴謀賤戰誠以謀也者所以決策揆機萬全之本然

必先有知己知彼之明。始克收反助對勘之效。故善謀者或因敵而生。因我而生。因天時地利事物而生。如環無端。若響靡聲。處處致微。即着着爭先。或乘隙以奇備。或變短以制長。或反敗以為功。從未有無謀而可以言戰言守也。丈正公一生治軍得力。在無時不謀。無事不謀。八字是卷所紀。固其高矢也。回憶舊春東事。方棘。龍昌將杖策從戎榆關。雖再春殺之。假寐間驚傳公至。登舟溫語移時。詳授以兵法。愚何人斯。異漢中乃承指示。竟獲別隔世弟子。距今遙而憶之。一時神交心傳。雖不盡可殫述。要大率務第篇中語意。於序公之為此。豈預知龍昌將有兵略之輯。故為默牖其衷耶。抑神聽不平。實有感而然耶。龍昌所為不避僭妄之嫌。旁搜曲證。極力闡發者此也。茲繹是卷數十條內。皆從閱歷有得而來。故在在因事指點。無不洞中機宜。至論兵大忌官氣暮氣。論將須有真心實腸。數語尤為深切著明。直括百八十三家而揭其要。度世箴言。尤為行軍寶筏。昔趙忠獻言魯論半部可以治天下。吾竊謂凡兵家讀是篇者。即作魯論半部觀可也。